

<https://news.usm.my>

Berita Mutakhir

20 GURU PERLU MENJADI PENDIDIK PERINGKAT GLOBAL

OCT

DSC7931j

PULAU PINANG, 20 Oktober 2015 - Para guru di Universiti Sains Malaysia (USM) disaran untuk menjadi pendidik peringkat global atau Global Educator yang boleh ditempatkan di mana sahaja dan boleh mengajar sesiapa sahaja di peringkat antarabangsa.

Demikian kata Naib Canselor USM, Profesor Dato' Dr. Omar Osman ketika merasmikan Majlis Sambutan Hari Guru peringkat Pusat Pengajian Ilmu Pendidikan (PPIP) USM 2015 yang bertemakan Guru Membina Ilmu Menyempurnakan Akhlak di sini hari ini.

"PPIP seharusnya meningkatkan kepentingan kedua-dua pihak iaitu pensyarah dan pelajar ke peringkat global supaya setara serta memperbaiki segala kemahiran bagi menghadapi cabaran bidang pembelajaran dan pengajaran yang berubah-ubah dan tidak pasti (uncertainty) pada abad ke-21 ini," tambah Omar.

Omar juga berharap para pelajar dan juga pensyarah untuk membuka minda dan seluas-luasnya serta menerima segala cabaran dengan positif serta berpandangan global atau World View dan bukannya pemandangan sehala.

DSC7929hk

Menurut Dekan PPIP, Profesor Dato' Dr. Abdul Rashid Mohamed, tema tersebut dipilih pada tahun bagi mencerminkan kepentingan guru sebagai agen dalam pembinaan ilmu dan akhlak pelajar menjadi generasi berkualiti negara.

"Modal insan yang dibangunkan bukan sahaja perlu berilmu dan berkemahiran, namun perlu mempunyai akhlak yang terpuji dan nilai-nilai murni kerana ini penting dalam membina negara bangsa dan mewujudkan sebuah negara yang maju menjelang 2020,"kata Abdul Rashid.

DSC79500

Di majlis yang sama Omar turut menyampaikan anugerah bagi beberapa kategori seperti Tokoh Guru Harapan, Tokoh Kepimpinan Pelajar Persatuan Siswazah Lanjutan (PERSILA), Pendidik Harapan, Penghargaan Perkhidmatan serta anugerah sijil dekan.

Turut hadir adalah semua timbalan dekan, pensyarah dan pelajar PPIP.

Teks: NOR RAFIZAH MD ZAIN

Foto : ZAMANI ABDUL RAHIM



Share This

Pusat Media dan Perhubungan Awam / Media and Public Relations Centre

Level 1, Building E42, Chancellory II, Universiti Sains Malaysia, 11800 USM, Pulau Pinang Malaysia

Tel : +604-653 3888 | Fax : +604-658 9666 | Email : [pro@usm.my \(mailto:pro@usm.my\)](mailto:pro@usm.my)

Laman Web Rasmi / Official Website : [Universiti Sains Malaysia \(http://www.usm.my\)](http://www.usm.my)

[Client Feedback / Comments \(http://web.usm.my/smbp/maklumbalas.asp\)](http://web.usm.my/smbp/maklumbalas.asp) | USM News Portal. Hakcipta Terpelihara USM 2015